

## **Номиналы 200 теңгелік банкноттардың төлем қабілеттілігі туралы Қазақстан Ұлттық Банкі Қолма-қол ақша айналысы департаментінің басқарма бастығы Серікжан Майдановтың түсіндірмесі**

Қазақстан Ұлттық Банкіне (бұдан әрі – ҚҰБ) халықтан өтініштер түсе бастады. Азаматтардың айтуынша, кәсіпкерлер тарапынан **номиналы 200 теңгелік** банкноттарды қабылдаудан бас тартқан жағдайлар бар.

ҚҰБ **номиналы 200 теңгелік банкноттардың заңды төлем құралы болып қалатынын** еске салады. Олар 200 теңгелік монеталармен айналымда қатар жүреді және төлемдердің, банктік операциялар мен аударымдардың барлық түрі бойынша қабылдануға міндетті.

Бұл банкноттарды банктер мен «Қазпошта» АҚ-ның барлық бөлімшесінде, сондай-ақ, ҚҰБ филиалдарында ұсақтауға және айырбастауға болады. Олар табиғи тозығы жеткенде ғана айналымнан алынады.

Мұндай банкноттарды қабылдаудан бас тартқан тарапқа Әкімшілік құқық бұзушылық туралы кодекстің 206-бабына сәйкес әкімшілік жауапкершілік қарастырылған.

Егер сізден номиналы 200 теңгелік купюраларды қабылдасаса, онда ҚҰБ-тың жақын маңдағы аумақтық филиалына хабарласу қажет. Сонымен бірге, видеоға түсіруге немесе банкнотты қабылдаудан бас тарту себебін жазбаша талап етуге кеңес береміз.

Филиалдарымыздың мекен-жайы мен байланыс телефондары ҚҰБ сайтында көрсетілген. Қосымша сұрақтар болса, ҚҰБ-тың байланыс орталығына 1477 нөмірі арқылы хабарласуға болады.

### **2006 ЖЫЛҒЫ ҮЛГІДЕГІ НОМИНАЛЫ 200 ТЕҢГЕЛІК БАНКНОТ**



НОМИНАЛЫ 200 ТЕҢГЕЛІК МОНЕТА

